

JANMIEN SIELE BLE JUNMAN

AFUÉ 2013, AVRIL

LE MOCUE M'D BO I BO AVRILI I LE 8

Jue 123 ye sréle

❑ Asounun'n i Biblu'n nun like suanle:

wt nde tre 10 § 1-5 (Min. 30)

❑ Janmién junman dile suklu:

Biblu'n nun kannganle: Lik 10—12 (Min. 10)

No. 1: Lik 12:1-21 (Nán maan o tra miniti 4)

No. 2: ?Wan ye o yili Zezi o?—fg bue 8, kosan 1 (Min. 5)

No. 3: E Si Janmién ti kunngba, like fi nummen i sin—td 6A (Min. 5)

❑ Junman dile ajia:

Jue 60

Min 10: Amun kwla yo sran fanngan wlafue.

(Rom. 1:11, 12) Ijole nin nzrafue'm be kosan usale. O ti junman sunianfue'n lie. Bo titi atin bofue nga be o asounun'n nun'n be nuan. Kan wafa nga e kwla wla be fanngan'n i nde. I wie yele be mo yole, o nin likawle jasin bole, annze e kwla uka be sa su loto fale nun. Annze kusu e kwla yia be e wla asa. Se titi atin bofue mun naan be kan wafa nga aniaan'm be wla be fanngan'n i nde. Se i sofue nunman asounun'n nun'n, siesie o ijole'n naan nde'n wo cen kunngun atin bofue mun.

Min 10: Ble kasién'n i su kosan'm be su tele. Ijole nin nzrafue'm be kosan usale. O taká fluwa *Comment raisonner* su. I bue 96 i nde kpole 5 lele fá jú i bue 98 i nde kpole 1 su. Ajale nga be kleli'n, maan be yi be nun kun nglo kpe kan.

Min 10: "An nian Janmién nuan ijofue'm be lie'n su: Zonasi." Kosan usale nin i su tele.

Jue 13 ye sréle

An nian Janmién nuan ijofue'm be lie'n su: Zonasi

¹ ?Ke amun ti Janmién nuan ijofue Zonasi i dunman'n, akunndan benin ye o ka le ba amun ti nun on? Sran wie'm be waan o ti sréfue, annze o siman sran annvue. Sanngé, o kleli ke o ti wun ase kanfue naan o ti yakpafue, ye o klen i wun yo like. ?Wafa se ye e kwla nian Zonasi i ajale kpa m'o kleli'n su o?—Zak 5:10.

1. ?Nzuen kpa benin ye Zonasi yili i nglo o?

² **O kennin i wun ase:** Ke Zoova sunmannin Zonasi'n, i klikli nun'n o kpeli i atinsre. Ye o toli i ti lika ufle. I so m'o yoli'n bo man e nuan, afin Asirifue'm be ti nzajefue. I ti'n, be wa fléli Ninivu klo'n ke "sran kunwle klo." (Nya. 3:1-3) Sanngé atinsre mo Zonasi kpeli'n ti'n, Zoova tuli i fo. Ke o pannin lo kóle wun atin ekun'n, o oli. I so'n kle ke o kennin i wun ase. (Nya. 12:1; Zon. 3:1-3) Kannze bôbô i klikli nun'n o wanndili'n, sanngé kasién su'n o wa yoli Zoova i klun sa'n. (Mat. 21:28-31) Kannze bôbô be tulí e fo'n, annze se e jasin bowlé'n nun lófue'm be sôman e nun'n, y'a fua kpa ke é bô jasin fe'n ke i sa wie?

³ **O yoli yakpafue, ye o klennin i wun yoli like:** Ke Zonasi wunnin ke ajale te ng'o fali'n o yoli maan mmeli'n i nunfue'm be wielu wu'n, i klunklo su o felí i wun mannin. (Zon. 1:3, 4, 12) I sin'n ke o oli jasin bole Ninivu klo'n su lo'n, o wluli klo'n nun oli i afien lo. Atrekpa'n, o kúnnde lika kpa m'o kwla jran nun bo Zoova i jole dile nde'n su'n. Srefue kwlá yomen i so sa mun, saan yakpafue ye o kwla yo be o. (Zon. 3:3, 4) ?Ye e li? Ke be tanndan e prun'n o fata ke Janmién wla e yakpa naan y'a kwla bo jasin fe'n i juejue su. (Yol. 4:29, 31) Asa'n, o fata ke e klen e wun naan y'a fa e ble'n, o nin e sa nun ninnge mun y'a bo jasin fe'n.—Yol. 20:24.

⁴ Cen kwlaa nga é kánngan Zoova i nuan ijofue'm be su nde wie nun'n, se o yo e ke e nde ye be su kan sa'n, i so'n kwla yo e ye kpa. I so yole nun'n, e kwla usa e wun ke: ?Se o ti min'n, nn ñ yó se? ?Wafa se ye n kwla nién i ajale kpa'm be su min men dile nun on? (Ebr. 6:11, 12) E Janmién Siele Ble junman fluwa'n i nun nde nga bé fité sien'n be nun'n, é wá kán afstue kpa nga Zoova i nuan ijofue nanwlefue ufle wie'm be man e'n, be nde.

2. ?Wafa se ye e kwla yo wun ase kanfue ke Zonasi sa o?
3. ?Jasin bole nun'n, ngue ye o fata ke e yo yakpafue naan y'a kwla yo o? ?Ye ngue ye o fata ke e klen e wun ka naan y'a kwla yo o?
4. ?Ngue ti ye o fata ke e fa ble e bu ajale kpa nga Zoova i nuan ijofue'm be kleli e'n be su akunndan on?

LE MDCUE M'D BO I BO AVRILI I LE 15

Jue 6 ye srele

❑ Asonun'n i Biblu'n nun like suanle:

wt nde tre 10 § 6-12 (Min. 30)

❑ Janmién junman dile suklu:

Biblu'n nun kannganle: Lik 13–17

(Min. 10)

No. 1: Lik 16:16-31 (Nán maan o tra miniti 4)

No. 2: ?Ngue ti ye Zezi bali asie'n su wa o? –fg bue 8, kosan 2 (Min. 5)

No. 3: Ka naan Ba'n w'a ba asie'n su wa'n, ye ke o seli i sin'n, Sie'n le prun tre i—td 6B (Min. 5)

❑ Junman dile apia:

Jue 95

Min 10: Kosan'm be su tele. Ijole nin nzrafue'm be kosan usale.

Min 10: Wafa nga e kwla uka e Janmién

junman dile'n su'n—Akpasua 2. Ijole'n taka fluwa Organisés su. I bue 112 § 3, lele i bue 114 § 1. Usa atin bofue kun annze njon be kosan. Ajale nga be fali naan b'a kwla kaci atin bofue'n, maan be ken i nde.

Min 10: ?Amun bo jasin fe'n amun junman su l? Ijole nin nzrafue'm be kosan usale. O taka kosan nga be su. (1) ?Ngue ti ye o ti kpa ke amun junman su lbfue'm be si ke amun ti Zoova i Lalofue o? (2) ?Ngue ye amún yó naan b'a si so o? (3) ?Amun junman su l'b'n, sa benin mun ye be kwla man jasin bole'n i wun atin on? (4) ?Ngue ti ye se Biblu kun nin e fluwa'm be nun wie'm be o amun sa nun junman su l'b'n, o ti kpa'n ni'on? (5) ?Ngue ti ye se amun su di junman'n, o ti kpa ke nán amun fa ble kpanngban be bo jasin fe'n ni'on? (6) ?Amun junman su l' jasin fe'n mo amun boli'n, i su nde fe benin ye amun kwla kan on?

Jue 45 ye srele

KOSAN'M BE SU TELE

■ **?Ke éyó apia mun annze ke é bō jasin fe'n, o fata ke e nuan e selileli mun? ?Ye Biblu'n nun mmla benin mun ye o fata ke e bu be akunndan on?**

"Like kwlakwla le i yole ble." (Aku. 3:1): Selileli'm be yo maan sran'm be kle nde ko man be wiengu, annze be kan nde kle be wieengu ble kwlaa nun ke be o likawle sa. Sannge ble wie'm be nun'n, o fataman ke selileli'm be ti'n, Klistfue'm be fa be pin sie i like uflé su. I wie yele e apia mun. Ble so'm be nun'n e su Zoova, ye o man e afotue, kpékun e nin e niaan Klistfue mun e wla e wiengu fangan. (Mml. 31:12; Jue. 22:23; Róm. 1:11, 12) O maan ke e ko e apia'm be bo'n, se e nuan e selileli'n, o ti kpa. Se apia'n wie'n, e kwla so i nuan e nian nde nga be kle bleli e'n. Se kusu sa cinnjin wie ti'n o fata ke o ka su'n, maan e to i amunle naan w'a kleman e wiengu'm be yale.

'An yo i kwlaa so'n jasin fe'n ti.' (1 Kor. 9:23): O ju wie'n, ke é bō jasin fe'n o fata ke e fa e selileli'n. I wie yele ke aniaan ng'o tinge jasin bole junman'n kwla fe i selileli'n di junman. I

lie'n, o kwla ti be ng'o siesieli be jasin bowle'n nun'n, be su nde. Asa'n, jasin bofue wie'm be fa be selileli'n be fle sran wie mo Janmién nde'n loli i'n. Annze be fa fle Biblu'n nun like suanfue kun ka naan b'a ko nien i osu. I li se sran so'n i tranwle'n o mmua'n, ye be yo i so bobo'n ni'on. Se kusu e selileli'n o e sa nun'n, maan e to i amunle naan ke é bō jasin'n é klé sran kun'n, w'a kpeman e nuan nde. (2 Kor. 6:3) Se e su minnde e niaan'm be ke be bla naan e ko bo jasin fe'n, maan e pin tran jasin bole'n o nin e niaan nga be o le'n be su. Se e fa ble so'n e fle sran uflé annze e kle nde e ko man be'n, o timan klanman.

An bu amun wiengu'm be akunndan. (1 Kor. 10:24; Fil. 2:4): Nán maan e se ke se e ka sien'n, e kwla fle aniaan mun annze e kwla kle nde ko man be ti naan é fá jasin bole apia'n i bo kôle do su'n é kankán ngowa. Afin se e ka sien'n, o fata ke be siesie aniaan'm be uflé. O ti su ke like wie kwla tanndan e prun. O maan cen kunngun e kwla ka sien. Sange se do su kôle'n yo e nzuen'n, é klé ke e pin yi ninngé nga Zoova siesieli'n naan e bu aniaan ng'o tinge jasin bole junman'n, o nin e niaan'm be kwlaa be sran.

Letri mo e anuannze'ni prun dinfue'm be klélie'n

E niaan kpa mun:

Sran klole'n nun'n sran fi juman Zoova m'o ti e Si m'o o nglo lo'n i nun. I ti ye Biblu'n se ke: "Nyanmien'n ye o ti sran klofue'n nin-ɔn." (1 Zan 4:8) Kannze bɔbɔ Zoova kwla like kwlaa yo'n, sanng'e i Nde'n seman ke "Jlanmien ti fanngan" annze kusu "Jlanmien ti timmin." Klole su ye o sie e o. Nanwle, i so'n yo maan e klo ke é fá e wun é ménten i!

Jlanmien sa, Zoova mianman e ke e su i. O timan sran mianmianfue. O kunnde ke e su i klole su. Ke e yo so'n, e kle ke i siele'n ye e jin o i sin ɔn. Afin, e lafi su ke wafa nga o sie'n o ti su, kpekun o yo i klole su. Ke men'n boli i bo lele mo w'a ju ye'n, e wun i so lie'n i weiin.

Ke o yo naan Zoova mian Adam nin Evu ke be jin yi i'n, w'a yoman so. Sanng'e o mannin be atin ke be bɔbɔ be fa ajale kun. Se o ti ke be kloli Zoova sakpa'n, ye se be sili like ng'o yo mannin be'n i su ye sa'n, nn be jrannin wlwlale nga Satan wlwlali be ke be yo jin kekle Jlanmien su'n, i prun kekle.

I sin lele kpa'n, nde kasien nga Moizi kan kleli Izraeli nvle'n i nun'n, o seli ke: "Amun nian, nguan nin muae'n ye m'an fa sie amun nyrun le-o. Wie'n nin sa yale'n kusu ye m'an fa sie amun nyrun le-o." (Mml. 30:15) O maan nvle'n nunfue'm be bɔbɔ be le atin be kle wafa nga be kunnde ke bé dí be men'n. I kungba'n, Zozie seli Izraelifue'm be ke: 'Se kusu i so'n jo-man amun klun'n, ndeken **amun kle** like nga amun klo ke amún sú i'n.' Izraelifue'm be teli i su ke: "O si'e! Nán e ye é yí Ananganman i ase é sú ninnge usle mun-on." (Zoz. 24:15, 16) Ande'n, nde kungba so'n o e nuan wie. Ke mo e klo Zoova'n ti'n, o yoman e kaan sa ke e kpɔci i.

E mo e ti Klistfue kpa'n, ke be se ke sran kun bɔbɔ le atin fe i tiaun ajale'n, e wun i wle weiin. E si ke asɔnun kpennngben'm be le atin be man afotue, kpekun be le atin be tu asonun'n nunfue'm be fo. Sanng'e be tinman be su, annze be kleman asɔnun'n nunfue mun wafa ng'o fata ke be di men'n. Annze kusu be

mianman be ke be fa ajale Jlanmien sule nun. Akoto Pɔlu klélie i ke: "Nán ke e waan é mian amun Nyanmien atin'n su ti-o, afin ke an lafi Krist su'n, an jran kekle, sanng'e e klo ke é úka amun é dí junman naan amun klun jo." –2 Kor. 1:24.

Nanwle, ke like nga e yo'n, e **klunklo** su ye e yo mo be mianman e ti ye e yo'n, o yo e fe! Zoova waan klole su ye e yo like ng'o ti kpa'n niɔn. I so yole'n i cinnjin m'o ti'n, i jin fite nde nga Jlanmien maan Pɔlu klélie'n i nun. I waan: "Maan n fa n sa nun ninnge'n kwlaa n fa ta yalefue mun, ye maan n fa m bɔbɔ nan-nan su naan n nyan su dunman, se n klo-man sran'n, o yo-man sa fi ye man-man min." –1 Kor. 13:3.

Nanwle, ke e niaan akpinngbin kpanngban be tu be klun be su Zoova klole su'n, i so'n jo i klun kpekun i so'n menmen i!

Zoova kusu klo i sufue'm be kwlaa. Ba kangan mun nin gbanflen nin talua mun, amun mo amun kle ke amun klo i'n, mo amun klo-man men'n nin fe dile dan'n m'o fa sran'm be jin sie su'n, Zoova klo amun kwlaa wie. Asa'n, maan amun si ke e kusu e klo amun kpa wie.—Lik 12:42, 43.

Amun kwlakwla, i yasua o, i bla o, i gbanflen nin talua o, klole mo amun klo Zoova'n ti'n, afue ng'o sinnin le'n nun'n, amun dili dɔ 1.748.697.447 jasin fe'n i bole nun. I kunningba'n, klole su'n, aniaan 7.782.346 be boli jasin fe'n asie wunmuan'n su. Nanwle, o yo e fe ke sran 268.777 mo be nun sunman ti gbanflen nin talua'n, be kleli ke be fali be wun mannin Jlanmien. O maan be yoli be batemu. O ti ke le mɔcued kwlaa nun'n, be yoli sran 5.168 be batemu sa. Nanwle, i so'n man e aklunjue dan!

Ble kasien nga nun'n, sa kekle'm be to Jlanmien i sufue'm be su. I wie yele yale klele'n, o nin tukpace'n, o nin kpennngben yole'n m'o kle be nun wie'm be yale'n. O nin i so'n ngba, y'a fua kpa ke e su 'cuemman e wun kɔman sien' annze 'e sa sin su bubuman e' le. Amun kwlaa, maan amun si ke e klo amun kpa.—Ebr. 10:39; 2 Kor. 4:16.

Amun niaan mun,

*Zoova i Lalofue'm be
anuannze'n i prun dinfue mun*

LE MDCUE M'D BO I BO AVRILI I LE 22

Jue 85 ye srele

□ Asɔnun'n i Biblu'n nun like suanle:

wt nde tre 10 § 13-16, kuku'n, bue 100
(Min. 30)

□ Janmien junman dile suklu:

Biblu'n nun kannganle: Lik 18-21
(Min. 10)

No. 1: Lik 18:18-34 (Nán maan o tra miniti 4)

No. 2: ?Ngue ti ye o fata ke be kpɔ e ti o?
—fg bue 8, kosan 3 (Min. 5)

No. 3: Janmien nin Klist be sran wunmuān
mɔ be ti'n—td 6C (Min. 5)

□ Junman dile apia:

Jue 120

Min 10: "Maan e sie e su naan y'a si like."
Kosan usale nin i su tele.

Min 10: "Sran'm be yiale m'ba nvle'n." Ijɔle nin nzrafue'm be kosan usale. Se sran'm be yiale fluwa'n bal'i'n, maan be man aniaan'm be kunngun naan amun koko i nun nde'n i su yale. Bo cen nga amún bó sran'm be yiale bo'n su. Kpækun, ajale nga asɔnun kpengber'm be fali naan amun sa w'a yia amun jasin bowl'e'n, ken i nde. Maan be yi fluwa'n i fa manle'n i nglo kpe kan.

Min 10: "Ayelie ng'ɔ manman Janmien'n."
Kosan usale nin i su tele.

Jue 121 ye srele

Maan e sie e su naan y'a si like

¹ O ce kan'n, e nvle kun apia 2013 lie'n bó i bo. Apia so'n i siesiele'n timan pɔɔ. Afin o fata ke o yo aniaan nga be o men wunmuān'n nun'n be ye. ?Amun a buabua amun wun naan amun a kwla tran apia cen nsan'n i kwlaa bo? Apia dandan'm be bo'n, ninnge kpanngban kwla yo maan nde nga bé kán'n o sin sran kun i sukpo sin. O maan o fata ke e wla e wun ase kpa naan e pin w'a tran apia'n su. Ke m'ce tra asɔnun apia mun'n ti'n, o fata ke e pin tran su ce kpa kusu. Asa'n, ajale mɔ e tul'i'n o nin like uflé ti'n, afe'n kwla tin e su. ?O

1. ?E nvle kun apia'n i bo lo'n, ngue ti ye o fata ke e mian e pin kpa naan y'a kwla sie e su y'a si like o?

maan ngue ye ɔ úka e naan e pin w'a tran su naan y'a sie e su y'a si like o?—Mml. 31:12.

2 Ka naan e nvle kun apia'n w'a bo i bo'n:

Anuannze'n sie nvle kun apia'n i siesiele'n e enteneti adresi www.jw.org su lo. O maan ijɔle kwlaa i flele'n nin Biblu'n nun nde mma cinnjin kun annze njɔn m'c taka su'n be o lika so'n nun lo. Se e kwla ko enteneti su ko nian ninnge so mun'n, i so'n úka e naan y'a siesie e wun y'a minnde ijɔle so mun. (Esd. 7:10) ?Ke amún sú Janmien awlo lo nnɔsua nun'n, se amun koko apia'n i siesiele so'n i su yale naan amun awlo'n nunfue'm be kwlaa be pin tran nvle kun apia'n i sin'n, o timan kpa?

³ **Ke é yó apia'n:** Se o fata ke e dun mmua wo abialie lo ka naan apia'n w'a bo i bo'n, maan e wo. Maan e nuan e selileli'n. I lie'n, be su fleman e, annze be su kleman nde bleman e naan w'a kle e yale, ye kusu i so yole su baman e bɔbɔ e klun. Se o fata ke e selileli'n ka su'n, maan e to i amunle naan se sran wie fle'n, w'a kleman e wiengu'm be yale. Se kusu mannzin uflé o e sa nun'n, nán maan o kle e wengu'm be yale. (Aku. 3:1) Maan e pin tran ijɔfue'n su. Se o bo Biblu'n nun nde mma kun su'n, maan e tike e Biblu'n su naan e nién i kannganle'n su. Kpækun maan e klekle nde wie mun e sie.

⁴ Maan e mma'm be kusu be sie be su wie naan b'a si like. Nyanndra Mun 29:15 se ke: "Nyantiaan'n nin fɔ tul'e'n be kle ngwlele, sanngé ba nga bɔ i bɔbɔ ye o sie i wun'n, o gue i nin nyin ase." O maan se awloba kun i nunfue'm be tran likawle'n, o ti kpa. I lie'n, sie nin nién'm be kwla nian ba'm be su naan b'a ijɔman annze b'a kleman nde b'a ko manman be wiengu mun, annze kusu b'a wlanlanman. O maan bé kwlá fá be pin síe i apia'n su. Kannze be

2. ?Ngue ye e kwla yo naan e pin w'a tran e nvle kun apia'n i sin o?

3. ?Ngue ye ɔ úka e naan y'a sie e su y'a tie nde'n i kpa o?

4. ?Wafa se ye sie nin nién'm be kwla uka be mma mun naan b'a sie be su naan b'a si like o?

Sran'm be yiale m'ɔ ba nvle'n

Le mocue nsan ka naan asonun'm b'a yo be nvle kun apia'n, bé bó be nga be o be jasin bowle'n nun'n be yiale bo ekun naan be wa tran apia sɔ'n i bo. Sran'm be yiale mɔ e yia be afue kwlaa'n, ɔ le bo. Ke be nga e yia be'n be ba e nvle kun apia'n i bo mɔ be tie Jlanmién nde'n, be si'a wie se. I kunngba'n, ke be wun wafa nga aniaan'm be klunklo su be di be junman'n sesesé mɔ be ayelie'n ti kpa'n, mɔ be wun ke be bo ti kun'n, i kwlaa sɔ'n bo be nuan. (Jue. 110:3; 133:1; Eza. 65: 13, 14) ɔ yo pənmen sɔ. ?Sanngé ke e yia sran mun'n, ɔ ba nvle? ?I li lika nga ɔ fata ke be tu ajale wɔ mmuammua be nun'n, ke e yia be nga Jlanmién nde'n lo be'n, be ba?

Ke afue 2011 nun nvle kun apia lie'n wie-li'n, bla kun m'ɔ wunnin sran'm be yiale fluwa kun i anuan'n i bo'n, ɔ kleli fluwa ko mannin beteli kun. Titi ke Zoova i Lalofue'm be bobo i anuan'n, ɔ fia. Nde ng'ɔ kleli'n ye: "Min sua'n timan klanman aɔwi. Ye min wun'n ti sran kpa. ɔ yoli min ke i kwlaa sɔ'n mán min aklunjue. Sanngé, m'an diman aklunjue. Ye m'an wunman wafa nga n ko di min mén'n niɔn. I ti'n, n tulijajale n oli lele kilo 320 naan n̄ kó trán amun apia'n i bo Fue cén." Apia'n wluwluli i wun dan ti'n, ɔ fléli i wun'n ɔ seli i ke ɔ su kwlá semen i sin naan ɔ ká lɔ yó Mɔnnən

te yo bakan naan be wunman like nga ijofue'n ken i nde'n i wle'n, sanngé sie nin nien'm be kwla kle be diin tranle nin wafa nga be nin kwla tran su'n.

5 Cén kwlaa ke apia'n ko wie'n: Nán e ce gua su. Maan e la nde naan y'a kwla lo wunmién kpa. I wie ekun yele ke se e flan nde nga e tieli'n nun'n, e wla su fiman su ndende. ɔ maan se awlo'n nunfue'm be fablé kan be koko apia'n i su yale'n, i sɔ'n yó be ye kpa. Se kusu e nin e janvüe mun e kɔ like diwle wie nun'n, maan e fa nde nga e kle sieli'n. I lie'n, e kwla koko i nun

5. ?Ngue ti ye ɔ ti kpa ke e flan apia'n nun ɔn? ?Ye wafa se ye e kwla flan nun ɔn?

cén apia'n wie ekun. I fluwa m'ɔ kleli'n i nun'n, ɔ seli ekun ke: "N sieli min su ijole'm be kwlaa be bo. Ye e nin Zoova i Lalofue kpanngban e sili e wun. I fe m'ɔ yoli min'n ti'n, m'an kunndeman ke ɔ wie." Ke ɔ seli i sin'n, ɔ boli Biblu'n nun like suanle bo. Ke ɔ dili anglo nnan'n, ɔ kacili jasin bofue nga be nin a yomen i batemu'n. I waan: "Nan-wle, sran'm be yiale fluwa sɔ mɔ n wunnin i min anuan'n i bo'n, ɔ yo min fe kpa. Afin sien'n, min men dile wafa'n ti kpa!"

Be nga be jan sran'm be yiale fluwa'n, be nun wie'm **bé trán** apia'n i bo. I sɔ'n ti'n se ble sɔ'n ju'n, maan e mian e pin e yia sran mun juejue su. Se e yia be naan fluwa'n wie ka'n, maan e fa sie e sa su e wɔ klo nga é yó apia'n i su lɔ naan se e pən i wun atin'n, e fa bo jasin fe'n.

?Wafa se ye é yía sran mun ɔn?

Ke ɔ ko yo naan e sa w'a yia e jasin bowle'n, maan e ijɔ kpe kan. Ke e yo sran'n i like'n, e kwla se ke: "E su fa fluwa nga e yia sran mun mén wunmuan'n nun. ɔ lie ye. Se a kunnde ke á sí apia'n i su nde wie mun'n, nian fluwa'n su." Maan e ijɔ juejue su. Asa kusu'n, ke é yía sran mun Fue cén nin Mɔnnən cén'n se ɔ nin i fata'n, maan e fa periodiki mun e man be wie.

nde cinnjin kun annzé npɔn mɔ be yoli e fe kpa'n be su yale. Asa'n, se nvle kun apia'n wie naan e ju e tranwle'n, ke é sú Jlanmién awlo lɔ'n, maan e koko wafa nga e awlobo'n kwla nanti afotue wie su'n i su yale likawle. Asa kusu'n, e kwla sie ble e fa e pin e sie i ninngé ufleufle nga anuannze yi be'n be su le mocue kwlaa nun.

6. Se e kunnde ke e nvle kun apia'n yo e ye'n, ɔ fataman ke e tren i bo sa ngben. ɔ fata ke e pin tran like kwlaa nga bé yó'n su. I ti'n, maan e sie e su kpa, kpεkun maan e nanti like nga e suan'n su.

6. ?Ngue ye é yó naan e nvle kun apia'n w'a yo e ye ɔ?

Ayelie ng'ɔ manman Jlanmien'n

¹ Ke é yó e nvle kun apia mun'n, sran'm be wun i sɔ lie'n i wlε. Like kpanngban nun'n, be bo e nvle kun apia'n i jo kle klɔfue mun zronali nin aladio'm be nun. Klɔ'n sufue'm be sie i nzɔlie ke apia'n i su fluwa'n ta aofue'm be wue nun. O maan ninnge nga é wá kán be nde ye'n bé wá kpén e wla naan ke e o klɔ nga é yó e nvle kun apia'n i su'n, e ayelie kpa'n w'a manman Jlanmien.—1 Piε. 2:12.

² **Maan e wlawla e wun kpa:** Ke e wlawla e wun kpa e kɔ e apia'n i bo'n, i sɔ'n yo sran'm be pɛnmen. Sannge like ufle yole nun'n, wafa nga e wlawla e wun'n kwla jan ta kpa ekun e wun akunndan nga sran'm be bu'n su. I wie yele ble mɔ é kɔ like diwlε'm be nun'n, annzε ke é kó gua dile'n, o nin like ufle ekun yole'n. Kannze bɔbɔ e wlawlamen e wun ke e su kɔ apia'm be bo sa'n, sannge o fata ke e wla trale kpa. Maan be nga bé wún e'n be wun i wlε ke e nin be nga be suman Jlanmien'n, ngbacis o e afien. (Rɔm. 12:2) Asa'n, maan e fa apia'n i nzɔlie like'n e ta e wue nun. I lie'n, i sɔ'n bó e nvle kun apia'n i jo. Asa kusu'n, i sɔ'n mán jasin bole wun atin, kpækun e niaan ufle nga be ti aofue'm be kwla wun e wlε.

³ **Maan e tra e awlən naan e bu sran'm be sran:** Blε nga e o nun ye'n i

1. ?Ngue ti ye ke Zoova i Lalofue'm bé yó be nvle kun apia mun'n, be wlε wunle yoman ya o?

2. ?Klɔ nga é yó e nvle kun apia'n su'n, wafa se ye e wun wlawlalε nun'n e kwla manman Jlanmien o?

3. ?Wafa se ye e kwla yi awlən trale'n, o nin sran'm be sran bulε'n i nglo o?

nun'n, men'n nunfue'm be bu be bɔbɔ be wun akunndan kpækun be siman ye. O maan se e tra e awlən naan e bu e wiengu'm be sran'n, wafa nga i sɔ'n yó like diwlε'm be nun junman difue'm be fe'n, maan e bu i akunndan kan e nian! (2 Tim. 3:1-5) Apia'n i bo lɔ'n, ke é fá bia é síe e fue mun'n, annzε ke é lɔngɔ é kó fá ninnge ufleufle nga anuannzε'n yi be'n, o fataman ke e bu e ngunmin e wun akunndan. Sannge maan e bu e wiengu'm be akunndan. (1 Kor. 10:23, 24) Kpε klikli nga sran kun mo Jlanmien nde loli i'n trannin nvle kun apia kun bo'n, nde ng'ɔ kannin'n ye: "Cen sɔ'n nun'n, nde nga be kennin i ijɔle'm be nun'n, wie fi w'a kaman min klun. Sannge Zoova i Lalofue'm be ayelie kpa'n i liefue'n, min wla su fiman su le."

⁴ **Maan e klunklo su e di junman:** Klunklo su like yole'n ti Klistfue kpa'm be nzuən kun mo be fa sie be nzɔlie o. (Jue. 110:3) ?Junman nga e nvle kun apia'n kpe i ba'n, amun klunklo su amun kwla di wie? Nvle kun apia kun bo'n, ka naan apia'n w'a bo i bo'n aniaan kɔe 600 be klunklo su be yoli lika'n i yeinyein. Nde nga lika'n i sunianfue'm be kannin'n ye: "Nanwle, e nin a wunman like ke nga sa le! Ke e wun ke be kwlaa nga be o ye'n, be klunklo su ye be di junman'n, i lefue'n o bo e nuan." E su minnde kpa ke afue 2013 nun e nvle kun apia liε'm be ju ndende naan e tie Jlanmien nde'n, naan Jlanmien kle e like. Sannge néni i ngba o. Yele ke e su minnde kpa ke be ju naan e manman Jlanmien.

4. ?Ngue ti ye se e le i wun atin'n, o fata ke e bu junman nga be klunklo su be di'n i akunndan o?

LE MOCUE M'D BO I BO AVRILI I LE 29

Jue 50 ye srele

□ Asɔnun'n i Biblu'n nun like suanle:

wt nde tre 11 § 1-6 (Min. 30)

□ Janmién junman dile suklu:

Biblu'n nun kannganle: Lik 22-24 (Min. 10)
Janmién junman dile suklu'n i nun flanle (Min. 20)

□ Junman dile apia:

Jue 56

Min 10: Maan e bo Biblu'n nun like klelə bo Fue cen klikli'n nun. Amun nian ajale ng'ɔ o fluwa'n i bue 8 su'n i su naan wafa nga Mɛ i Fue cen klikli'n nun'n, e kwla bo sran'm be Biblu'n nun like klelə bo'n, be yi i nglo. Wla aniaan'm be kwlaa be fanngan naan be di junman ss'n wie. Amun koko nde yε'n su yale: "?Amun nian tɛbua'n su titi?"

Min 10: Jasin ng'ɔ fata ke e bo'n ye: "Nyanmién siel'e'n i jasin fe nga." Juejue su ijole. Ḍ taka fluwa École du ministère su. I bue 279 lele m's fá jú 281.

Min 10: Letri mɔ e Jlrun dinfue'm be kləli e'n. Ijole nin nzrafue'm be kosan usale. Ḍ nde'n i atabo'n nun'n, flan fluwa'n i nun nde cinnjin'm be nun naan wla jasin bofue'm be fanngan ke Janmién junman dile afue nga nun'n, be bu nde ss'm be su akunndan.

Jue 117 ye srele

Amun nian tɛbua'n su titi?

Asɔnun kpenngbən mun nin asɔnunfue'm be lika nianfue mun, yε be nga be di junman asɔnun'n nun'n, be nian tɛbua'n su titi naan b'a wun cen nga be le junman'n. Sannge maan asɔnun'n nunfue'm be kwlaa be nian lo naan b'a wun nde cinnjin mun. ?E si cen ng'ɔ fata ke e kuankuan apia sua'n nun'n? ?Akpa-sua sunianfue'n annzɛ beteli'n kle fluwa bleli asɔnun'n? ?E si le mɔcue'n nun nzra nun ijole'n i flele'n naan y'a kwla yia be nga e nin be suan Biblu'n nun like'n? ?Apia'n i siesiele'n w'a kaci? ?Annzɛ b'a siesie e jasin bole akpa-sua'n i ufle? Jasin ke ngale'n sa mun'n, be bo-man be nun sunman apia'm be yole'n nun kun. Asa'n, asɔnun kpenngbən'm be su kwlá bo-man be su kleman jasin bofue'm be tinuntinun. I so'n ti'n, maan e nian tɛbua'n su titi. Se e yo ss'n, é yó like kwlaa 'i nuan su sesesé, like fi su yoman sukusuku.'—1 Kor. 14:40.

Janmién junman dile suklu'n i nun flanle

Afue 2013 nun Le mɔcue ng'ɔ bo i bo Avrili i le 29 su'n, bé fá kosan nga be lɔngɔ su yε'n bé dí junman. Ke ḍ ko yo naan aniaan'm b'a kwla siesie be wun le mɔcue kwlaa nun'n, be kləli cen nga be kokoli nde'n i su yale'ñ.

1. ?Bian nin bla jale'n su afetue cinnjin benin yε Zezi mennin i Mark 10:6-9 nun ḍn? [Mar. 4, w08 1/2 bue 32 § 8]
2. ?Ngue ti yε Zezi ijoli sran m'ɔ fləli i ke "like klefue kpa'n" niɔn? (Mark 10: 17, 18) [Mar. 4, w08 1/2 bue 32 § 4]
3. ?Ngue yele "nyrennen" nga Zezi kannin be nde mɔ be o Mark 13:8 nun'n? [Mar. 11, w08 1/3 bue 18 § 2]
4. ?Ngue yε Ani i ajale'n kle e ḍ? (Lik 2:37) [Mar. 18, w08 1/3 bue 31 § 4]
5. ?Ke mɔ Satan kunnde ble m'ɔ nin i fata naan w'a laka e'n ti'n, ngue yε ḍ fata ke e yo ḍ? (Lik 4:13) [Mar. 25, w11 1/1 bue 26 § 10]
6. ?Wafa se yε e kwla nanti nde ng'ɔ o Lik 6:27, 28 nun'n su ḍ? [Mar. 25, w08 1/5 bue 11 § 4]
7. ?Ngue ti yε Zezi w'a seman sran m'ɔ sumen i su wie m'ɔ fe i dunman fuan mmusu mun'n, ke ḍ yaci i so yole ḍ? (Lik 9:49, 50) [Avr. 1, w08 1/3 bue 31 § 2]
8. ?Ke Zezi seli ke maan i sɔnnɔnfue'm be 'kpɔ' be osufue mun'n, i bo'n yele benin? (Lik 14:26) [Avr. 15, w08 1/3 bue 32 § 1]
9. ?Ngue yε Zezi i nde ng'ɔ o Lik 21:25 nun'n, ḍ kle e p̄rennen dan ng'ɔ su ba'n su ḍ? [Avr. 22, w10 1/7 bue 18 § 18]
10. ?Se sa kekle tɔ e su naan ḍ tin e su kpa'n, wafa se yε e kwla sre Janmién ke Zezi sa ḍ? (Lik 22:44) [Avr. 29, w07 1/8 bue 4 § 7]

LE MOCUE M'D BO I BO ME I LE 6

Jue 26 ye srele

❑ Asounun'n i Biblu'n nun like suanle:

wt nde tre 11 § 7-10 (Min. 30)

❑ Janmien junman dile sukul:

Biblu'n nun kannaganle: Zan 1-4 (Min. 10)

No. 1: Zan 3:22-36 (Nán maan o tra miniti 4)

No. 2: ?Ngue ti ye Zezi wuli o?—fg bue 9, kosan 4 (Min. 5)

No. 3: Janmien i wawé'n yele i wunmién ng'ó fa yo ninne mun'n—td 6D (Min. 5)

❑ Junman dile apia:

Jue 57

Min 10: Wafa nga Me nun'n, e kwla fa periodiki mun e man'n. Ijole nin nzrafue'm be kosan usale. Fa miniti sin kun annze miniti kun bo fluwa'm be nun nde nga amun lika nun lo'n, o kwla yo sran'm be fe'n be su. I sin'n, nde akpasuaakpasua nga be yi yi nde ng'ó kle *Sasafue Tranwle'n* su'n i nun'n, fa o pin sie be su. Kpeku usa nzrafue mun naan fluwa'n i fa manle num'n, be kle kosan kpa nga be kwla usa'n, o nin Biblu'n nun nde mma nga be kwla kanangan nun'n. Fa Réveillez-vous ! naan yo i kunngba'n. Se a le i wun ble'n, fa nde uflé periodiki npón'n be nun kun nun naan yo i kunngba'n. Wafa nga be kwla fa periodiki mun man'n, maan be yi i nglo kunngungun.

Min 10: Ninne ng'ó fata ke asounun'n fe i pin sie su'n.

Min 10: Sua nga nán Anananganman ye o kplan'n, be nga be kplen i le'n, be kle be wun yale bɔ ngben. (Jue Mun 127:1) Ijole nin nzrafue'm be kosan usale. O tako *Annuaire 2013* su. I bue 149 § 1 m'fá fá jú i bue 151 § 1 su. Aftue nga be o nde so'm be nun'n, se nzrafue mun naan be ken i nde.

Jue 47 ye srele

Jasin mun

■ Fluwa nga é fá man **Avrili nun'n:** *Sasafue Tranwle'n* nin Réveillez-vous ! Ke amún kó nfan sran'm be osu'n, amun fa fluwa Biblu'n kle annze se o nin i fata'n, amun fa fluwa. *Amun tie Janmien nde'n o nin Amun tie Janmien nde'n naan amun a pan nguan tititi* naan amun bo Biblu'n nun like klele bo. **Me nin Zuen nun'n:** An fa fluwa npa nga'm be nun kun: *Men ufle kun nun fandi tranle, ?Ngue ye Zoova i Lalofue'm be lafi su o?, ?Men ng'ó o ye'n fite nun?*, Awlobo tranle fe, O ka kaan'n, prenner kwlaa wá wie!, ?E awlen su sran nga be wuli'n be lie'n w'a wie mlɔnmlɔn?, ?Amun kunnde ke amún sí nde ng'ó ti nanwle'n? Se sran'so nun klanman'n, amun fa fluwa Biblu'n kle annze *Amun tie Janmien nde'n annze Amun tie Janmien nde'n naan amun a pan nguan tititi* be bo Biblu'n nun like klele bo. **Zuie mun'n:** *Jasin fe kpa kun fin Janmien!* Annze an fa fluwa ye'm be nun kun man: *Amun tie Janmien nde'n annze Amun tie Janmien nde'n naan amun a pan nguan tititi, An tran minnde!, Anananganman nguan'n i atin'n—?Amun a wun i? La Bible — Quel est son message ?* Amun mian amun nin naan amun bo Biblu'n like klele bo.

■ Le mocue kun ka naan amun a wo nvle kun apia'n i bo'n, se amun klo'n, an kaci junman dile apia'n i siesiele'n. I lie'n, nvle kun apia'n i su nde cinnjin nga amun dun mmua kokoli su yale Avrili 22 i le mocue nun'n, amun kwla flan be nun. Se nvle kun apia'n wie naan o di anglo kun annze npón'n, amun flan apia'n i bo lo nde nga jasin bofue'm be wunnin ke o kwla uka be jasin fe'n bole nun'n, be nun. Ble nga bé dí "Ninnge ng'ó fata ke asounun'n fe i pin sie su'n" i junman'n, i nun ye amun kwla yo i so'o.

■ Se sran kun waan ó tú ajale kó nvle uflé nun naan ó trán nvle kun apia'n i bo lo'n, maan o wo enteneti adresi www.jw.org i lika ng'ó ti blafue nun'n su naan o tin "Qui sommes-nous" su. I sin'n, maan o tin "Rassemblements" su.

Ajale nga e kwla fa'n

E bo Biblu'n nun like klele bo Me i

Fue cen klikli'n nun

"Like kun mo e kwlaa e yo'n, yele fɔnlé'n. ?A bu i ke Janmien kwla yaci tete sa nga sran'm be yo be'n, o ce be?" [Maan sran'n te kosan'n su.] Fa nde ng'ó o Me 1 *Sasafue Tranwle'n* i bue 32 su'n kle sran'n naan amun koko kosan klikli'n su yale. Biblu'n nun nde mma nga be kle le'n, an kanangan be nun wie mun annze kun nun. Fa periodiki mun man sran'n naan cen nga amún kókó kosan uflé su yale'n, amun nuan se su.

SASAFUE TRANWLE'N® Me 1

BO ZOOVA I SIELE BLE'N I JO'

"Nán apinsa o. E waan é kánngan Biblu'n nun nde mma kun nun é klé o. [Kánngan 1 Zan 4:8 nun.] Sran kpanngban waan nde so'n ti su. Sanngé wie'm be waan ke be nién i sa'n, Janmien ti kluuwifue. Afin i ye o kpe sanvuesa'm be ba o. Annze i ye o yaci be le maan be to sran'm be su o. ?Ye o li, a bu i se? [Maan sran'n te kosan'n su.] Like nga ti ye o fataman ke e ton Janmien suen ke o ti kluuwifue'n, fluwa nga ken i nde."

Réveillez-vous!® Mai

"E su nian e mantanfue'm be osu naan e nin be é kókó sa tete nga sran'm be yo be'n i su yale kan. Sran wie'm be bu i ke se polisie'm be són'n, sa tete yole'n kán ase. ?A bu i so wie? [Maan sran'n te kosan'n su.] ?A si ke Biblu'n w'a dun mmua kan sa tete yole'n i wiele'n i nde? [Kánngan Jue Mun 37:10, 11 nun.] Like nga ti ye e kwla fa wla e gue i nde so'n su'n, fluwa nga ken i nde. Kpeku o kle e ajale wie mo e kwla fa naan y'a sasa e wun'n."

Field Service Highlights

■ Afue 2012 Septamblu anglo'n nun'n, **Senegal** lo jasin bofue'm be fali periodiki 17.114 be mannin sran mun. I so'n kle ke be junman'n olli i prun. Afin afue 2011 nun'n, anglo kunngba'n nun'n, periodiki 14.033 ye be fa mannin sran mun o.

■ **Gambie** lo kusu'n, afue 2012 Septamblu anglo'n nun'n, aniaan'm be tulii be klun kpa be suannin Biblu'n nun like klele junman'n i bo. O maan be kleli sran 419 be Biblu'n nun like. Afue 2011 nun'n, anglo kunngba'n nun'n be kleli sran 352 be Biblu'n nun like. Nanwle ke Zoova i sufue'm be mian be pin be 'di e Min'n i junman'n kpa bo prun tititi' ke ngale'n sa'n, o yo jenmen dan.—1 Kor. 15:58; Mat. 28:19, 20.